



Werte Inwahnners vun dat Hertogdom Launborg!

De Maten vun dat „Plattdüütsch-Forum Kreis Herzogtum Lauenburg“ maakt sik veel Gedanken darüm, dat dat Plattsnacken in unsen Kreis ümmer wiedergeiht För de tokamen gemütliche Tiet wünscht wi wedder kommodige Stünnen mit disse Texten för de ganze Familie.

In ´n Namen vun dat „Forum“
Se Ehr Helga Walsemann,
Mölln, November 2020

Nehm di de Tiet

Besöök jüm mol, dien ool´n Frünn.
Vergeet den Trubel üm di rüm.
Nehm di de Tiet un sett di dal,
Vertell un lees denn ok ins mal.
Höör di wat an ut jümme Leven.
Laat de Gedanken ruhig sveven.
Amenne köönt ji denn deep binnen
Beten Warmes in joon Hart finnen,

Gerd Bahr Quickborn 2001

Wiehnachtenavend

Dat is so düster neeg un feern
De Nevel hangt so swoor, so dicht,
an ´n Heben blänkert nich een Steern
un op mien Weg keen Licht.

De stillen Hüüs liegt an de Straten,
As lustern se un luern sacht.
De hele Welt höllt an den Aten
In disse hillige Nacht.

Vun wiet her höör ik Glocken klingen,
Licht ut de Hüüs fallt op de Steeg.
Bi´n Dannenboom de Kinner singen
Vun ´t Christkind in de Weeg.

Ik böör de Ogen op na ´n Heben,
Een enkeln Steern schient dörch den Dau.
Dörch Boom un Busch weiht Himmelsfreden
Un in mien Hart treckt Rauh.
Elsa Peters
Dihmarscher Pressedienst 1977

Silke Frakstein

Adventssnoor

Vor ´n poor Daag stunn in ´t Blatt: “Wer hat noch seinen alten Adventskalender, bitte melden bei...“. Mien Klenner weer in mien Kinnertiet al antiquoorsch. Dree Göörn un ik weer de letzt, weetst Bescheed! Ik harr ganz wat anners,
Keen een ut miene Klass harr sowat! Dat weer in de 50er Johren en echte Sensation. Wat dat weer? En Adventssnoor, 24 lütte Poketen, jeeden anners inpackt, bummeln vun en Eck na de anner Eck in de Köök. Ik

weer jümmers rein ut de Tüüt un wull to geern weten, wokeen de dor ophängt hett. Heff ik abers nich rutkregen. Dat Afsnieden an ´n fröhen Morgen, wenn all mien Fründinnen dorbi weern. Ik segg di: Dat Begeevnis in de Straat!
Junge, Junge wat för ´n Larm un Opregen in de Köök. Wat weer an dissen Morgen dor binnen? Manneln orrer Rosinen orrer villicht sogar en Piep ut Lakritzen mit ´n Kopp ut Schuum? Dor dörven denn all mien Fründinnen eenmol an licken.

De Paketen an ´n Sünndag weren wat grötter un in een weer de Koort för dat Wiehnachtsmärken. Mien Broder is bannig wat öller un in sein Bank geev dat jümmers för all de Kinner Kakao un Bodderkoken un achterna all Mann hoch in ´t Wiehnachtsmärken.
Wenn an ´n drütten Sünndag de Koort noch nich dorbi weer, kunn ik vör luter Opregen de ganze Week nich slafen. Aver – he hett jümmers an mi dacht. Dat scheunste Märken weer Peterchens Moondfohrt in ´t Schauspeelhuus.
Mien Vadder is nu al över 50 Jahr nich mehr op de Welt, ober sien scheune Adventssnoor kann ik nie nich vergeten. Denn he weer „Dat Christkind“.
Scheune Adventstiet för all de groten un lütten Kinner.
Blätter der Fehrgilde 2013

Uns Lütten

Ik weet rein nix,
Un vunmorn hätt ´t noch seten.
Nu heff ik all vergeten.
So wünsch ik kort un goot:
Gesundheit un frohen Moot.

Bün ok noch dor!
Verleden Johr
Weer ik noch lütt, nich wohr?
So bün ik al en annern Mann,
de reken, lesen, schrieben kann.
Un nu wünsch ik op best
En fröhlich Fest.

Emil Duborg, Hamburg 1965

Lütt Minschenhart

Mook op de Döör,
Lütt Minschenhart,
loot Düüster rut,
nu ´t Wiehnacht wartt;
de Angst, de Wehdoog,
Striet un Noot . . .
Döör op, lütt Hart,
wartt allens goot!

Mook op de Döör.
Lütt Minschenhart,
loot Hellens rin,
nu ´t Wiehnacht wartt;
dat Glück, de Leev,
den Freed ´n, de Roh . . .
Un denn, lütt Hart,
de Döör fast to!

Emil Hecker, Hamburg 1965

Plattdeutschbeauftragte der Ämter und Städte des Kreises Herzogtum Lauenburg

Geesthacht: Uwe Kiesewein 04152-885496,
Ernst-Otto Eck 04152-5564

Lauenburg: NN

Mölln: Inge Pusback 04542-88579

Ratzeburg: Annegret Fenske 04541-5318,
Brigitte Koscielski 04541-5343

Schwarzenbek: Sabine Meyer 04151-6264

Büchen: Helmut und Lydia Gottschall
04155-4867

Wentorf: Heinrich Querfurt 040-7204668

Berkenthin: Iris Runge 04501-516

Ralf Möller-Garrandt 04501-822702

Breitenfelde: Arnold Bruhn 04542-5527

Lauenburgische Seen: Ingrid Schulze
04541-840327, Elke Feddersen 04546-206

Hohe Elbgeest: Ingrid Stenske-Wiechmann
040-7204218, Christian Thoröe 04104-3948

Lüttau: Gerd Lüttge 04153-4305


Nusse/Sandesneben: Lore Kruse 04536-
808892, Heike Petersen 04536-747

Schwarzenbek-Land: Ulrich Niemann
04159-469


**Beauftragte des Kreises Herzogtum
Lauenburg zur Förderung der
niederdeutschen Sprache:**
Helga Walsemann 04542-2766

Beauftragter für Platt in den ev. Kirchen:
NN

„Zentrum für Niederdeutsch in Holstein“
Torsten Börnsen 04542-9082985



Freust du di ok op



Wiehnachten 2020 ?



Rutgeven vun ´t
„Plattdüütsch-Forum
Kreis Herzogtum Lauenburg“
Flyer 2/2020